

Rumz Swnh Gangfung Gingz

风好正扬帆

——Geiq Vujsenh Yen Minzczuz Cunghyoz Byaij Diuzloh Daegsaek Banhhag

□ bonjbauq gicej Banh Cauzyangz dunghsinyenz Siz Caizyij Cinz Suleiz



▲ Hagdangz ciengzseiz cujcz lauxsae guh gyauyenz hozdung.

▲ Aenban lingjdauj hagdangz doxcomz haihoih.

◀ Hagdangz banh youhcizgoz doxdax, lauxsae angqyangz camgya.

Youq bangxdah Gyzngzyangh yienhsingz Vujsenh, miz aen hagdangz moq yienghyiengh guhbaenz yendaiva caemhcaiq daiq miz daegsaek minzczuz naekgywggywg ndeu coekcak daengj-dwt, cingq gingz hwnj gangfung yamqyat baenaj, aenneix couhdwg Vujsenh Yen Minzczuz Cunghyoz.

Vujsenh Yen Minzczuz Cunghyoz bi 2012 ndwen 9 guhbaenz hai yungh, ciemq dieg 80040 bingzfuengmij (120 moux), guhranz mienhcik 41000 bingzfuengmij, miz ranz sonhag mienhcik 14453 bingzfuengmij, dieg dijiyuz yindung miz 19504 bingz-fuengmij. Hagdangz saedhengz fung-haep guenjieix, seizneix miz 60 aen ban, 2958 boux hagseng, 183 boux gyau cizgungh.

Vujsenh Yen Minzczuz Cunghyoz banhhag hwnjindin sang: It dwg banh-hag lijnen moq. Saedhengz cingsaeq guenjieix. Ngeih dwg banngeg byauh-cunjva (ndaw ban vunzsoq ciuq byauh-cunj anbaiz). Sam dwg saedhengz suenhag funghaep guenjieix. Seiq dwg lauxsae suciz ndei vunzsoq gaeuq. Haj dwg yungh yendaiva sezbei sonhag.

Vujsenh Yen Minzczuz Cunghyoz yienghyiengh yienh'ok daegsaek minzczuz: Hagdangz moix bi sou Cuengh Gun song saw vah hagseng, moix singgeiz cungj haihwnj goq Sawcuengh, bingzseiz guh swncienz minzczuz vwnzva hozdung, guh minzczuz doxgiet gyauyuz, dawz daegsaek minzczuz gyauyuz guh banhhag muzbyauh. Laebhag song bi lai daeuj, hagdangz gaenq laeb ndaej gij cidu guenjieix miz daegsaek swheij. Daegbied dwg, hagdangz youh dwg aen gaijgwz sifan hagdangz Laizbinh Si caeuq Vujsenh Yen, gauhyau godangz sonhag gaijgwz byaij baihnaj daengx Laizbinh Si.

Bi 2013 aen haggeiz seizcin,



▲ Hagseng youq ndaw vwnzva minzczuz hozdung demlai cihsiz.

hagdangz sien youq 2012 gaep 20 aen ban guh gauhyau godangz gaijgwz. Seizneix, daengx hagdangz 60 aen ban gaenq cienzbouh doihengz gogaij. Ndw si caeuq ndaw yienh gyoengq lingjdauj gig yawjnaek caeuq gvansim, ciengzciengz daeujaengz hagdangz cijdauj, sawj hagdangz gogaij guh ndaej swnh. Ndw yienh rog yienh cungj miz lauxsae daeuj yawj hag.

Aen hag neix guh gauhyau godangz gaijgwz gig yawjnaek cizlieng sonhag daezsang: It dwg aeu gyauyenzcuq, beigocuj guh bingzdaiz, doxbang, doxhag, doxbingz, doengz-caez daezsang. Ngeih dwg dinghseiz dinghvunz beizyin hagsib, guh ndei gyauyenz bonj hagdangz, seizneix cujyau dwg guh gyauyenz gogaij. Sam dwg gak aen gogaijcuq doxdax, doicaenh hong gogaij. Seiq dwg guh ndei gogaij bingzgya.

Vujsenh Yen Minzczuz Cunghyoz haenqrengz laebbaenz gihdi vwnzva minzczuz, guhsaed guh ndei minzczuz gyauyuz. It dwg haenqrengz cauxguh aen cindi minzczuz vwnzva. Hagdangz caenhliengh yungh gak cungj fuengfap, haenqrengz senhconz minzczuz doxgiet gyauyuz. Guh coij roqluengq minzczuz vwnzva 300 lai mij raez ndeu, youq gwnz bangxcienz veh doz minzczuz



▲ Hagseng youq ndaw roqluengq vwnzva minzczuz yawjgonz.

dijyuz yisuz, guh baenz aen "ranz minzczuz" daengj. Youq ndaw roqluengq veh doz sij faenzcieng, gaisau gij cihsiz minzczuz. Youq ndaw "ranz minzczuz", baij gij ndangdaenj caeuq hongdawz conzdung minzczuz, moix aen singgeiz cungj anbaiz soujgungh cicozgo, hawj hagseng doenghfwnz san nyangj, san cuk, raed ceij, giet va daengj. Ngeih dwg dawz minzczuz vwnzva gyauyuz iemqhaeuj godangz. Hagdangz giethab vwnzva bonjdieg biensij minzczuz gyaucaiz bonj hagdangz, baugvat minzczuz yinhyoz, minzczuz dijiyuz, minzczuz soujgungh, minzczuz fungsug daengj. Moix aen haggeiz cungj dingh ndei giva, nyinhcaen guh ndei minzczuz vwnzva gyauyuz. Sam dwg gawjbanh gak cungj hozdung, daezsang cwngzyau minzczuz gyauyuz, sien guh ndei hong senhconz, gawjbanh "gak minzczuz doengzcae doxgiet doengzcae fanzyungz fazcanj" cujdiz banhvei, gawjbanh "minzczuz doxgiet cinbu lumj ranz ndeu" yienjgangj, guh "minzczuz cangzsiz gou rox gangj rox guh" hozdung, iugouz moix aen ban moix haggeiz rox ciengq song diuz go minzczuz, rox diuq song aen foux minzczuz, rox gangj geij coenz vah minzczuz, rox sij geij aen cih minzczuz; doengzseiz guh doxdax ringx



▲ Gwnz dangz minzczuz gyauyuz, hagseng dingq ndaej nyinhcaen.

gengxdiet, bau aendomq, dwk lwg-gyangq, haizgiegraez byaijvaiq daengj gak cungj gak yiengh doxdax hozdung, lij doxdax bien hwzbanjbau, bien bauqfwngzcaw, veh manva daengj, vanzlij dawz minzczuz doxgiet gyauyuz caeuq ciethaiq doxhab hwnjdaeuj guh, laebbanh miz foux minzczuz, dijiyuz minzczuz daengj 10 aen sedonz, leihyungh ndwencieng, sam nyied sam, seiq nyied bet, ngux nyied ngux daengj ciethaiq, guh minzczuz vwnzva swncienz caeuq minzczuz doxgiet gyauyuz hozdung, sonyinx hagseng bae liujgaij gij fungsug fungcingz gak minzczuz, caeuq gak minzczuz beixnuengx doxgiet doxhuz. Gij hozdung neix hawj hagseng hag rox haujlai cihsiz minzczuz, caemh roxyiuj gij yiyi hungloet minzczuz doxgiet cinbu.

Vujsenh Yen Minzczuz Cunghyoz laebbaenz seizgan yienznaeuz dinj, hoeng banhhag cwngzgoj gig hung, bingz ndaej Laizbinh Si gyauyoz senhein danhvei, Laizbinh Si minzczuz doxgiet cinbu mozfan yozyau, Laizbinh Si minzczuz dijiyuz doxdax donzdij cungfaen daih'it mingz, Vujsenh Yen minzczuz yijvwnz gunghcoz senhein cizdij daengj mingzdaez ndei.